

11. IBARRA GALTZAKOMIK

Galtzaundi Euskara Taldeak, Ibarako Udalarekin elkarlanean, 11. Ibarra Galtzakomik komiki lehiaketa iragartzen du. Edizio honetan, *11 egun euskarazekin* animatu nahi dugu, Euskaraldiaren aurtengo egitasmoari hitza ez ezik, irudia eta kolorea ere gehitzeko.

OINARRIAK

Edonork parte hartu dezake. Gaia librea izango da baina, Euskaraldiaren baitako *11 egun euskaraz* ariketa sozialari keinua egin beharko dio. Ez da onartuko eduki sexista edo arrazista duen komikirik edo dena delako arloan intolerantziazko jokabiderik eragin dezakeenik. Lan guztiak jatorrizkoak eta argitaragabekoak izan beharko dute, autoreak berak sortutakoak.

Lehiaketa honen helburu nagusia euskarazko komikigintza sustatzea izanik, ez da komiki muturik onartuko. Lanak euskara hutsean aurkeztu behar dira, eta erabilitako euskararen bizitasuna kontuan hartuko da.

Lehiaketan jatorrizko lana aurkeztu behar da eta baita ordenagailu bidez sortu edo tratatuak izan direnak ere. Aurredeinatutako irudiekin egindako lanak bazterturik geratuko dira; Comic Book Creator, TBO, Comic Life, Comic Master edo antzerako programetako aurredeinatutako irudiekin egindakoak.

Irudi digitalizatuen kasuan, orri bakoitzeko inpresio bat aurkeztu behar da, A-4 neurrikoa eta, gutxienez, 300 ppp-ko kalitatekoa. Lan bakoitzak A-4 neurriko lau orri izango ditu gehienez, eta istorio bakarra zein anitza aurkeztu ahal izango dira.

ANTOLATZAILEA



LAGUNTZAILEA



Ibarako
Udala

BABESLEAK



KARLATZ





LANAK NON ETA NOIZ

Lanak Galtzaundi Euskara Taldearen egoitzan aurkeztuko dira edo postaz helbide honetara bidaliko dira:



Galtzaundi Euskara Taldea
"Galtzakomik komiki lehiaketa"
Nafarroa etorbidea 6, behea
20.400 Tolosa (Gipuzkoa)

Aurkezteko azken eguna 2018ko azaroak 19 izango da. Korreosen egun horretan aurkeztutako gutunak ere onartuko dira. Komiki lehiaketan jasotako lanekin erakusketa antolatuko da, azaroaren 30etik abenduaren 14ra, Ibarako Kultur Etxean. Erakusketa amaitu ondoren, 30 eguneko epean, sarituak izan ez diren lanak jasotzeko aukera egongo da. Epea bukatu eta gero, eskatuak izan ez diren lan guztiak Galtzaundiren artxibora pasako dira.

NOLA AURKEZTU

Aurkeztutako komikian autorearen izenik ezin da jarri. Gutun-azalean aurkeztuko dira lanak, sinadura eta izenik gabe, izenburu batekin. Autorearen datuak (izena, telefono zenbakia, adina, helbidea, helbide elektronikoa eta komikiaren izena) beste gutun-azal batean aurkeztuko dira, lanaren izenburu berarekin. Bigarren gutun-azal hau lehenengoan sartuta aurkeztu behar da.

BALORAZIO IRIZPIDEAK

Egile bakoitzak sari bakarra eskura dezake. Adituek osatutako epaimahai batek lanik onenak aukeratuko ditu, ondoko irizpideak kontuan hartuta: *11 egun euskaraz* ariketa sozialari keinua egin izana, istorioaren zuzentasuna eta ulermena, marrazkiaren bizitasuna eta originaltasuna, idazmena eta marrazketarako erabili den materiala eta teknika.

Komikien kalitatearen arabera, epaimahaiak sariak moldatu edo eman gabe utzi ditzake.

ZOZKETA

Mahala baserriko produktuak zozketatuko dira sari banaketara gerturatzen diren eta sarituak izan ez diren parte hartzaileen artean.

SARI BANAKETA

Sari banaketa 2018ko azaroaren 30ean, 19:00etan, Ibarako Kultur Etxean egingo da.

Saria eskuratzen dutenek nahitaez sari banaketa ekitaldira etorri beharko dute, pisuzko arrazoiren bat ez bada tartean.

Lehiaketa honetan parte hartzeak oinarri hauek onartzen direla esan nahi du. Lehiaketa honi buruzko informazio gehiago Galtzaundin (943 655 004, galtzaundi@galtzaundi.eus, www.galtzaundi.eus) eskuratu daiteke.



SARIAK

12 urtetik behera:

- 1. Saria:**
100€ + komiki bilduma
 - 2. Saria:**
Komiki bilduma + marrazketarako materiala
- 5 Aipamen:**
Komiki bilduma bana
- Ibarako komikirik onena:**
Opari txeketa + komiki bilduma

**Saridun guztiak Xabiroi aldira harpidetuko dira urtebetez*

13 urtetik 16 urtera:

- 1. Saria:**
200€ + marrazketarako materiala + komiki bilduma
 - 2. Saria:**
100€ + komiki bilduma
- 2 Aipamen:**
Komiki bilduma bana
- Ibarako komikirik onena:**
Opari txeketa + komiki bilduma

**Saridun guztiak Xabiroi aldira harpidetuko dira urtebetez*

17 urtetik gora:

- 1. Saria:**
700€ + Danon Txokoa bi lagunentzako afaria
- 2. Saria:**
300€ + Karlatzen bi lagunentzako afaria